

致作佛佛告阿難是時太子沐魄者我身是也時父王者今闍頭檀是時母者今摩耶是時侍我五僕者今阿若拘隣等是是時婆羅門欲生埋我者今調達是也我與調達世世有怨佛說經已諸弟子天龍鬼神帝王人民皆大歡喜為佛作禮

佛說太子沐魄經

佛說九色鹿經

具月支優婆塞支謙譯

佛言昔者菩薩身為九色鹿其毛九種色其

角白如雪常在恒水邊飲食水草常與一鳥為知識時水中有溺人隨流來下或出或沒得著樹木仰頭呼天山神樹神諸天龍神何不憐傷我也鹿見人喚聲即走往水邊語溺人言汝可勿怖汝可騎我背捉我角我相負出上岸鹿大疲極溺人下地遶鹿三匝向鹿

叩頭乞為大家作奴給其使令採取水草鹿言不用卿也且各自去欲報恩者莫得道我在此門人貪我皮角必來殺我於是溺者受教而去

爾時國王夫人夜夢見九色鹿意欲得其皮角即託病不起王問夫人言何以不起夫人

答言昨夜夢見非常鹿其毛九種色其角白如雪我思得其皮作衣裘其角作拂柄王當為我得之王若不得我當死矣王告夫人汝為且起我作一國王何所不得王即便募於國中若有能得九色鹿者當與分國治賜其金鉢盛滿銀粟賜其銀鉢盛滿金粟溺人聞

色鹿四

黃四

王募重心生惡念我談此鹿可得富貴鹿是畜生死活何在便語募人言我知有九色鹿處募人便將至王所言此人知有九色鹿處王聞大歡喜王言汝得其皮角來報之半國於是溺人面上即生癩瘡溺人言此鹿雖是畜生大有威神王宜多將人兵乃可得耳王即

大出人共往恒水邊鳥在樹上遙見王人衆
來疑當殺鹿即呼鹿言且起王來取汝鹿故
熟卧不覺鳥復言知識且起王將兵至鹿故
復不覺鳥便下樹居其頭上啄其耳知識且
起王兵圍汝數重鹿方驚起四顧望視無復
走地便往趨王車邊傍人引弓欲射之王告

莫射此鹿此鹿非常將是天神耶鹿即言莫
射殺我假我須臾我有恩於國王問有何恩
我曾活王國中一人即長跪重問王誰道我
在此王言車邊癩面人也鹿舉頭看此人眼
中淚出不能自勝大王此人本溺在水中隨
流來下或出或沒得著樹木仰頭呼天山神

樹神諸天龍神何不慈傷我我時不惜身命
自投水中負此人出本要誓不相道人無及
覆不如水中浮木也王聞鹿言有慙愧色我
民無義王即三教其民奈何奈何受恩反欲
殺之王即放鹿使去下國中若有駈逐此鹿
者當誅汝五屬於是王便還官鹿歸故處是

九色鹿 取五

時國中衆鹿皆來依附數千為群永不見害
共飲食水草不犯人菜穀從是之後風雨以
時五穀豐熟民無疾病其時太平畢命化去
佛告諸弟子菩薩所行雖處畜生不捨於慈
人獸並度是時夫人者酸陁利是也是時鳥
者阿難是也是溺人者調達是也時鹿者我

身是也調達與我世世有怨阿難有至意得
道菩薩更勤苦行羣波羅蜜忍辱如是

佛說九色鹿經

平江府崑山縣全吳郡第五保顧台浦東居生年
佛弟子陳寶同妻薛氏二十八歲家貧等發心施官會去持其善入
續砂延聖院刊大藏九色鹿經一卷功德者四願下資三寶法界親同生蓮
嘉應二年九月 吳縣縣令 慧靜 可開 志林等

佛說睽子經

乞伏秦三歲法師釋聖堅譯
聞如是一時佛在毗羅勒國與千二百五十
比丘及衆菩薩國王大臣長者居士清信士
女不可稱計一時來會佛告諸比丘皆處定
意聽我前世初得菩薩道時戒行普具精進
一心修集智慧行於善權功德累積不可稱